COUNTRY WOMAN (MACK MAY) by Alban Henry

Verse 1

Wake me in de morning when fus cock start dey crowing Mack May, Mack May, bring yo basket an come. Get yo apron handy yo kerchif wid yo money Mack May, to mek yo message in town.

Verse 2

Me get up from me sofa an call out to me neighbour Mack May, Mack May, bring yo basket an come. We start to walk together me shoes aroun me shoulder Mack May, to mek yo message in town.

Verse 3

Me tired walk aready de marning cole an chilly Mack May, Mack May, bring yo basket an' come. Me jaw bone stiff an aching ah feel me backbone breaking Mack May, to mek yo message in town.

Verse 4

Ah feel ah getting tusty an hungry start to bite me Mack May, Mack May, bring yo basket an come. Me stap ah Yambou River fu eat an drink sum water Mack May, to mek yo message in town.

Verse 5

Put on yo shoes correctly yo mus look smart an dandy Mack May, Mack May, bring yo' basket an come. Cause me na want nobady come call me country bookey Mack May, to mek yo message in town.

Verse 6

Me buy me rice an flour me black fish an me porter Mack May, Mack May, bring yo basket an come He whale oil in me bottle an two pounds ah tobacco Mack May to mek yo message in town.

Verse 7
Come walk a little faster before de night get darker
Mack May, Mack May, bring yo basket an come
Believe me it aint easy jus walking from de country Mack May, to mek yo message in town.